

度

支

奏

議

度支奏議卷之三十一

新餉司目錄

題叅天津領餉家丁剿進保抵盜官銀疏

覆撥黔楚餉數目疏

覆議蕪稅并申飭事宜疏

覆昌鎮援登新舊兵丁贍家銀兩疏

議覆永平才餉司有無通同染指疏

考核關內林餉司疏

覆山西留餉疏

履秦省題留五年分新餉并四年分未完銀兩

疏

議蠲大同山西所屬新增加派錢糧疏

覆津門發過關寧米豆并立二三運限期疏

覆關內姦委葉有光等侵冒米豆疏

覆滇黔撥留楚餉完欠疏

覆昌鎮侯督治收放錢糧并節存疏

議覆招練營本色疏

議覆招練營降夷贍糧疏

覆四川江油等二十州縣量減新派疏

覆關外三四五年旱折未發未貯疏

議覆接濟島糧并慎重機宜疏

覆薊撫題請贍卹遺骨二項借克繕器疏

度支奏議卷之三十一

太子太保戶部尚書淄青畢自嚴視草

題叅天津領餉家丁劉進保抵盜官銀疏

題爲抵盜官銀有據乞

勅法司提究事專理新餉山東清吏司案呈崇禎五年四月二十九日奉本部送據專理清餉銀庫主事張秉貞呈前事內開本月初三日總理戶工兩部一切出入錢糧事務司禮監太監張

批據天津鎮押領兵餉家丁馬元先稟前事

稟稱三月二十九日有同衙門領運價委官張
弘勲同伊家丁劉進保將新餉庫發出官銀三
萬七千餘兩外有散碎銀三鞘令伊自己包疊
保等不法將散鞘內碎銀每起數件監守自盜
瓜分肥已先有同役係有小報稟知本官查盜
數目事屬天權理合簡舉叅題正法等情批新
餉庫究報該本職照得馬元先目擊劉進保所
爲不法此時只合卽行稟明進保等亦應俛首
賊贓的據矣今原銀已經起解元先方始具辭

其中未必無他腸也事在隔越懸擬爲難須臾
允短少多寡庶足見侵盜有無隨即移文天津
餉司逐一詳查去後今准回稱查得本司所差
領餉官張弘勲帶領家丁馬元先劉進保于三
月二十九日在庫領餉銀二萬七千六百三十
八兩一錢二分四厘零共二十八鞘于四月初
六日方至天津本司因准移查逐鞘當堂三面
公允其各鞘俱對針無差獨有十七鞘果係散
碎銀當數錠件原單載一百五十一件今數一

百五十四件及多三件已爲不對兌時實少銀
二十一兩則其爲偷盜無疑矣但初驗原鞘外
邊封識無不宛然則其竊取想在包裹時也細
審乃係三人同盜而分贓不均故馬元先自行
出首耳會稱未必無他腸固已洞見之矣其原
銀原鞘俱封固在庫以爲本犯之案至于盡法
究報業奉有批詞本司止于據實直報也等因
移覆前來准此復該本職看得本庫兌發餉銀
親填鞘單更有鞘冊另有督餉御史憲單明註

銀件多少添補有無法不啻詳矣至于先明交
割外上鞘起運必令各鎮委官自封自裹所以
防庫役之侵漁也今天津委官張弘勳乃以監
守之人自爲侵匿之事不法如此又安望其數
千百里之外封識宛然絕無傾改情弊乎等因
具繇于本月二十五日呈移總理外理合具呈
伏乞查照施行等因批送到司相應具題案呈
到部該臣看得軍需重務責在監守凜

國法者宜何如慎哉也乃天津領銀委官張弘勳

率家丁劉進保赴新庫兌領運價于封裹入鞘之時見有散碎錠件陡萌不法潛行抵盜初經馬元先首稟復據天津餉司王珍錫詳查回稱整鞘驗兌如數不少而零鞘件數反多三件銀兩兌少二十一兩蓋大錠分兩已定碎難抵換而零星銀多以大硯而換小硯積弊有年今始敗露是則侵盜情真百喙難辭矣夫兌發餉銀設有鞘單有號冊其于防奸杜弊法不啻密乃于封裹之頃復滋侵漁之計且乘兌支之際輒

爲衆指之謀一法立而一弊生固如此乎今欲
防奸剔弊以後監放各官須于零星錠件尤加
詳慎內用綿紙封固明記錠件硃標爲識外用
白布包裹隄防散失印紙粘貼則鞘單庶乎足
憑而抵換或可免矣伏乞

勅下刑部將張弘勲等提究仍申飭該庫遵照部議
詳核施行

崇禎五年五月初一日

題本月初四日奉

聖旨已有旨了張秉貞監允疎縱也著罰俸二個月

該部知道

覆撥黔楚餉數目疏

題爲滇中需餉甚亟遵

旨屢次嚴催據實題明以便查核事專理新餉山東
清吏司案呈崇禎五年四月二十一日奉本部
送戶科抄出湖廣巡撫今革職聽勘魏光緒題
前事

癸報坐派長寶郴二府州措解濟滇餉銀數目緣
繇內稱據撥黔餉一十四萬內四萬餘兩與京
餉數目重複不便兩解等因本年四月二十日

奉

聖旨該省協濟黔餉屢年拖欠過半這所分滇中土
四萬豈無舊通應徵的何得以時方播種爲辭撫
按在地方奉旨督餉何謂誰肯遽應顯屬委卸還
着嚴催速解以濟急需仍着朱燮元將解到數目
日期報部奏奪如若玩誤經管各官定行重究本
內又稱四萬兩與京餉數目重複是何緣故併着
查明具奏該部知道欽此欽遵抄出到部送司除
呈堂咨行湖廣撫按備查協濟黔餉舊通銀兩

併咨總督朱燮元將解滇銀兩數目日期報部
覈覆外所有疏稱四萬兩與京餉數目重複緣
故相應查覆案呈到部該臣等看得楚省向撥
解黔餉銀原止加派二十萬兩雜項四萬五千
七百餘兩崇禎四年四月內該臣部覆楚撫魏
光緒遵

旨酌議黔餉一疏議定楚省加派除雜項及新增三
釐外以五十二萬五千八百餘兩爲準除撥黔
二十萬兩應解部銀三十二萬五千有奇覆奉

欽依通行遵照去後本年十一月內據湖廣布政使
杜詩揭報長寶衛永展常祁靖人勝州原額舊
加派餉銀共二十四萬一千五百二十兩五錢
零以部撥濟黔二十萬之數較之多銀四萬一
千五百餘兩解部以足部額三十二萬有奇之
數等因在案迨五年二月總督朱燮元題議將
長寶彬三府州加派併雜項銀一十四萬六千
餘兩盡撥餉滇衛永展常祁五府州加派併雜
項銀一十三萬一千有零仍留餉黔臣部因念

滇事孔棘如議覆

准通行在案則併前解部四萬有餘之數俱在其中
今該撫魏光緒疏稱所撥滇餉一十四萬內四
萬餘兩與京餉數目重複云者蓋布政司仍執
去年解京之說而言也竊今春既有題奉

勅旨則彼盈此縮自然之數臣部自不得復責四萬
之解該撫亦不必以重複爲慮也惟遵照臣部
近題

明旨將所撥長寶柳三府州正雜銀一十四萬有奇

亟催督解以濟滇急可耳既經具題前來相應
具覆恭候

命下臣部移文該省撫按藩司衙門遵奉施行

崇禎五年五月初二日具

題本月初七日奉

聖旨知道了仍行與該省各官知道欽此

覆議蕪稅并申飭事宜疏

題爲民力已竭民困當甦懇蠲小利以除大害亟
收人心以固

皇圖事專理新餉山東清吏司案呈崇禎五年正月
二十五日奉本部送戶科抄出南京河南道試
監察御史郭維經奏前事請蠲蕪關戶稅緣繇
本年正月二十四日奉

聖旨蕪稅向經部議量免疊徵似足惠商如何又請
盡蠲若果奸棍詐害管關司官何故不行禁戢該

部再確議嚴飭具奏欽此欽遵抄出到部送司相
應議覆飭行案呈到部該臣等看得蕪關南戶
一稅撤而復興事豈得已前南計臣鄭三俊見
戶司與工司既爭梁頭京行與蕪關又爭落地
欄江紛呶不定設爲三議臣部已爲酌議凡船
泊江口者但稽梁頭丈尺不須復加盤驗旣稅
貨物不得復稅其桶箱竹木板枋併之工司舡
貨併之戶司而農民細碎等物蠲置莫問又如
過口進口俱從半徵自外江進口者一例議稅

自內河出口者一例免稅其已經蕪稅者免再
增京稅奉有

俞旨欽遵在案亦足明惠商之

德意矣乃臺臣郭維經目擊汭濤之飄泊心傷積蠹
之鑽謀直欲以三萬額稅爲商請蠲寧謂非仁
人之言哉臣竊思之天吳不戒江濤拍空偶然
淪胥實堪隕涕雖不關稅之撤與不撤而權稅
不得不爲風波分咎臣非不欲亟議蠲停以示
寬大而無如軍興孔棘編額方新其不能遽免

此加稅猶之不能遽免夫加派也近經南戶部
右侍郎呂維祺題爲東南元氣當存蕪關新稅
應罷等事本年四月二十五日奉

聖旨蕪關已有屢旨不必紛紛條議該部知道欽此
則關稅難撤

聖明已灼見在先矣惟是饑鷹攫肉貪狼捕豕爪牙
之利所在橫逞非一嚴禁大創恐

國家僅得三萬之利而奸棍先飽倍蓰之潤誠有
如臺臣所言者然而臣部及南計臣原議未嘗

不慮及此也今議遴選稅役不許積蠹人占高
下其手有挾詐需索者許于南戶部告發卽以
爲司權者殿最其司權官廉有優柔縱下貪污
著聞者南計臣不時叅處更換則臺臣所云虎
視眈眈各分餘潤之害可去也稽舡計稅不許
倒篋傾囊巡欄識字俱勿得一槩混搜致有疎
虞則臺臣所云開篋露目誨盜來刦之害可免
也大約蕪關一線爲商舶必繇之道但勿使工
司爭戶司之額稅亦勿予下役以騙詐之端三

萬金足額易耳卽未敢言不病商亦不致壅
屬商也其泊舡地方聞該縣傳令云廠前雙港
稍加濬擴以資停泊可免風波又在該關會同
該縣酌便行之以加惠商民耳善乎臺臣之言
曰

國家爲遼陽一塊土動費金錢數百萬等之泥沙
倘

廷臣忠謀邊臣鼓奮勿爲泄泄蚤結此局視獨此
三萬金猶一粟耳果爾則臣部所望

皇上寬停以宣揚

德意者固將不止此矣臣部日夜想望之今尙力不
從心也既經南臺臣具題前來相應覆

請恭候

命下臣部移文南部遵奉申飭施行

崇禎五年五月初三日具

題本月初七日奉

聖旨關稅應免的遵前旨行其貪橫胥役著司官嚴
禁如能軟通同縱容詐害該部堂上官及科道據

實叅來重處述旨內關字訛官改正行欽此

覆昌鎮援登新舊兵丁贍家銀兩疏

題爲恭報遵

旨發兵事新舊二餉司案王崇禎五年五月初一日
奉本部送准兵部咨前事內稱該本部職方清
吏司案呈奉本部送該昌平督治兵部右侍郎
侯恂題稱遵奉

明旨卽挑選新兵二千名令總兵陳洪範統領刻期
啓行但新兵中有家口者約七百餘人荷戈從
戎不無內顧之私似當量予養贍用示鼓舞等

因本年四月三十日奉

聖旨知道了陳洪範着遵旨挑選速發俟伺著加添
飭防本內養贍應否量給該部知道欽此欽遵抄
出到部相應咨會戶部煩將督治所請昌兵養
贍糧餉從長酌確奏

奪等因又于本月初三日准兵部咨爲恭報官兵起
程日期亟圖援剿早慰

聖懷事內稱據提督總兵官陳洪範題稱舊營軍士
見臣出征個個爭赴挑選二千俱自願往者且

各有父母妻子可免逃竄之患惟是舊軍月餉
甚薄家口難贍因見部臣題加新兵贍糧各軍
不無覬望懇乞

皇上亟

勅戶部將出征舊軍二千稍加本等贍糧庶均沾
皇恩于同視矣等因本年五月初三日奉

聖旨據奏兵行日期併調度鼓舞等事陳洪範具徵
果銳著益奮勵圖功以膺叙賚密鎮兵已經調發
賞功銀卽著該督委官于軍前支給舊兵月餉戶

部酌議速奏該部知道欽此欽遵咨會戶部卽擬
舊兵月餉酌妥速奏等因各到部送司相應酌
議具覆案呈到部該臣等看得東省叛逆猖獗
日甚昌鎮新舊兵丁奉

命赴援銜枚疾走躬冒矢石此其勞勩倍可念也養
贍之請舊例所無臣部似不敢輕爲開端惟是
仰體

聖明挾纊之仁俯軫援兵內顧之私臣與樞臣熊明
遇往復商議誠有不得不因督治總鎮之請而

量爲酌給者查得昌鎮新兵每月止餉一兩五錢在新兵中原非優厚就中有家口者七百餘人昌鎮舊兵每月止米一石或本或折在援兵中可稱極薄今議不論新舊每名各給養贍銀一兩以寬其內顧之憂而行糧鹽菜在東省支給者不在其內旣係援兵俱于新餉內支給其他額餉原厚養贍有餘者曾不得比例而妄覲焉從此新舊各兵戮力同供矢心敵愾于以蕩平叛逆無難矣旣經兵部咨會前來相應酌議

覆

請恭候

命下臣部核咨兵部并昌平督鎮餉司一體遵奉施行

崇禎五年五月初九日具

題本月十二日奉

聖旨這員欽援東新舊官兵養贍銀兩依議量給其餘不得比擬欽此

議覆永平刁餉司有無通同染指疏
題爲奸蠹作弊良深餉務耗費可駭謹據實

上陳乞

勅撫臣嚴追究罪事專理新餉山東清吏司案呈崇
禎五年三月十九日奉本部送戶科抄出山永
巡撫丘禾嘉題前事內開據永平道左叅政王
凝祚關內道右叅政楊嗣昌呈崇禎四年十二
月二十九日淮東協太監張國元手本准戶部
移文新餉司案呈該本部覆本監題前事等因

奉

聖旨邊鎮設立餉司專責軍需重寄向來乾沒掃括
奸弊多端剝軍悞邊深可痛恨乃化神任內經管
糧料竟不查驗督追以致虧損數多直待摘發乃
以候代離任支辭抵飾着革了職該撫按會同監
視勘明有無這同侵染情弊奏奪王凝祚羅應許
漫無稽核職掌何在都著降一級照舊管事爾部
餉餽毋苦匱乏弊發復多庇徇殊非奉法急公之
誼該司官姑不究張繼等違著嚴催追擬具奏欽

此欽遵抄部送司案呈到部移會到監手本過
道准此崇禎五年正月初二日又蒙山永撫院
憲票本月二十八日准戶部咨同前事內開合
咨前去遵照

明旨內事理會同監視勘明餉司刁化神有無通同
侵染情弊奏

奪等因准此擬合就行爲此牌仰該道照牌備咨奉
明旨內事理即便會同關內道勘明刁餉司有無通
同侵染情弊速查具報本院并按院以憑奏

奪等因蒙此又蒙巡按御史吳阿衡奏驗前事蒙此
又蒙本院憲稟爲漕糧卷籍有據微臣心迹當

明懇

勅傳查勘覆全臣名節事准戶部咨原任永平糧儲
主事革職聽勘刁化神奏前事五年正月初五
日奉

聖旨刁化神正在候勘不得瀆辯本內事情著撫按
等官一併勘明具奏該部知道欽此欽遵抄出到
部併咨到院併行到道蒙此本年二月初一日

又蒙巡按直隸監察御史吳阿衡案驗前事等
因蒙此該永平兵備左叅政王凝祚遵照憲行
明旨內事理一面將胡時和原欠米二百八十五石
六斗七升豆二百一十四石一斗委榮原侵欠
米一百一十石豆四百二十三石四斗一升王
琰原侵欠豆二百三十石九斗金調鼎原侵欠
豆二百二十石米一百九十三石三斗五升夏
鼎原侵欠米七十八石豆七百石葉有光原侵
欠米一百四十三石八斗豆一千七十石八斗

八升沈家駒原欠米四十五石七斗一升五合
楊一禎原欠豆四石俱行令永平府知府王
聰會同本府理刑推官馬若世署糧廳本府
軍同知常三錫追比并轉行革職聽勘同知張
織嚴催限內全完取具永平鎮戶部印信實收
并分別各犯擬罪另文呈詳各院外其奉

旨嚴查原任永平戶部餉司刁化神有無通同侵吞
情弊今該兩道會看得永平糧料虧損數多監
視疏叅同知張織奸委胡時和等已經知府王

四聰推官馮名世律擬招詳原欠米豆業如數
追完取有接管餉司實收在案職等今奉憲行
仰遵

明旨會勘餉司刁化神者以其竟不查驗督追疑有
通同侵染情弊也及查監視原疏內稱海水浸
壞亦經前任餉司刁化神責令委官胡時和等
賠補則與竟不驗追者少殊惟是雖已驗追而
時和等數未完足至時和而外泡損尙多以爲
未經廳報難以分過職等復訊各犯口供糧在

海濱必須運完乃見短少之數援陵之役前道
張春帶去運車一百五十輛裝載軍糧以此國
積者不能速運短少者無據查追此非該廳不
報餉司不驗之過然而運雖未完爪代之際便
宜確查實在彼此交收可曰屬委爲政而已哉
此一役也在職疑祚前後兩任一查而得胡時
和等之奸再查而發葉有光等之弊嚴行屢追
其完糧料三千七百餘石事關職掌勞怨敢辭
在職嗣昌初奉會勘之文彌切飲冰之懼約期

職疑祚同詣適中撫寧縣城隍廟集官犯于庭
虛公審問衆口一詞咸指

大地質鬼神辯化神之無點且有願幣姜孳以貽補者
此或可據以覆有無通同侵染之

明旨矣若夫軍需重寄專責餉司

天語煌煌此又應聽部議仰候

聖裁非職等所敢擅擬也等因呈詳到臣該臣看得
錢糧重寄責在餉司一有損失難言代人分過
原任郎中刁化神據詳始末嘗不爲驗追惜也

以經年之苦迫于瓜期之代不及查清交代必
待該道嚴核而後集有光等奸弊始發固無侵
蝕之弊豈逃疎畧之愆惟是米豆業已全完先
時泡爛侵延各有款目近又據冷口圍營官兵
雷啓貴毛本鳳等連名願捐本年三月分餉米
代償雖未先行而化神之清操足以服衆委恩
惠足以洽三軍觀過知仁尙有足多者其通同
混冒之有無亦可照而知也臣等奉

旨勘明叅之道詳覈之輿論情實如此謹會同監視

臣張國元按臣吳阿衡合詞具

奏伏乞

勅部酌議施行本年三月十八日奉

聖旨刁化神任內糧料虧損至交代尙不查發明屬
縱奸捻弊近劉孔敬又報三年分掛欠數多正在
行查這本內何云米豆業已全完且因商委不吐
侵染遽稱清操服衆顯有徇飾着該部嚴覈確議
具奏欽此又該東協太監張國元題同前事同日
奉

聖旨已有旨了該部知道欽此又該部接直隸監察

御史吳阿衡題同前事本年三月二十七日奉

聖旨已有旨了該部知道欽此欽遵抄出到部送司

相應覆覆案呈到部該臣等看得餉司職專錢

穀粒粒皆應精覈乃奸委胡時和等泥爛乾沒

若百若干刁化神瓜代之期便宜確查實在交

之下手何乃失於查追竟留未了之局也疎畧

之罪誠難爲本官解者但查各委具呈淹沒本

官已批該廳查追監視原疏云海水浸壞已經

前任餉司刁化神責令委官胡時和等賠補洵
不誣也且搜凌之時運車移以裝載軍器者百
五十輛該廳之查報該司之查追亦坐是少悞
似與縱奸稔弊者不可同日而語也若夫通同
侵朶臣等何能遽度但據該撫按監視之說而
嚴覈之各委當追擬之時正可誣蟻以藉口各
軍聞禡職之信亦宜慶幸以甘心何衆委指

天誓曰辯本官之無點且願鬻妻孥以賠補也官軍連
名願捐本年三月分餉米以代償也信非本官

清服衆委惠洽三軍不能得此而通同侵紊之
有無不可據以定本官之案乎乃今原欠米夏
業已如數追完矣各委亦分別末裁矣而本官
終于向隅不與若輩同開一面之網乎至劉孔
敬所稱掛欠數多者乃關門之事已經各該餉
司及天津撫院回

奏部科見在查覈與永平劉家墩一案無涉則全
完之云有永平餉司實收可據非臆說也本官
先任山海復任永平正值醜虜內犯又當殘破

初復人人咤爲畏途臣部爲地擇人本官亦毅然肩任不避艱險臣方以干城罷之而以米豆一節概棄其生平或亦

聖明憐才之所不忍也摠之本官罪案以失于查追一言蔽之先承

嚴譴誠恐別有情弊今經撫按監視諸臣刻意查核無隱不露向使稍有可指諸臣誰敢徇餘於歸聖明之前臣等卽反覆嚴覈不能加于諸臣之目稽也伏乞

聖慈俯念見今米豆全完當日委無他弊姑將本官
免其革職重加降級回部管事併

勅下吏部覆議處分庶于鈔法之中復彰使過之仁
而有志封疆者亦有所感發而興起矣既經會
題前來相應覆

請恭候

命下遵奉施行

崇禎五年五月十三日具

題本月二十二日奉

聖旨刁化神坐視錢糧虧損不行查追溺職殊甚何
得已逋完輕信無染姑著爲民去該部率屬奉公
宜嚴行督覈何得多方庇徇該部知道

考核關內林餉司疏

題爲考覈司屬官員事專理新餉山東清吏司案
呈崇禎四年十月二十四日奉本部送戶科抄
出山海餉司署郎中事主事林玄奏爲微臣奉
差已竣謹陳一年任內收放過本折錢糧及詳
慎磨勘過節省數目敬呈

御覽事內開臣自崇禎三年九月初八日到任接管
本年七月分錢糧筭至四年六月終止計一年
任滿因新差山東清吏司主事臣劉孔敬在京

候

勅未能卽至值大凌河圍急關兵奉調東援軍機呼
吸臣將解到七月分餉銀登時給發援兵出關
進勦至九月二十日與劉孔敬交盤臣任內經
管錢糧實計十三箇月共收過京運并還官
等銀七十六萬三百九十六兩九錢六分二釐
三絲五忽放過銀七十五萬一千六百六十七
兩五錢五分五釐四毫二忽共收過海運并還
官等米二十四萬一千三百三十一石七斗五

升三合放過米二十三萬二百二十八石六斗
九升一合共收過海陸二運并還官等豆一十
九萬六千三十七石六斗六升四合六抄放過
豆八萬六千二百九十一石六斗四升共收過
召買并還官等草六十二萬八千七百六十束
一分八釐放過草三十三萬三千八百五十八
束八分此臣任內收放本折錢糧之數自三年
八月起奉有

奏繳之

青至四年五月止該臣按月具奏奉

旨外所有六七兩月正在造奏候

旨該臣任內積有節省銀共四萬三千九百八十一兩二錢四分六釐六絲五忽因念關門原額馬騾一萬八千七十三匹頭自去歲西援克復四城馬匹消耗殆盡現今虜圍大凌關內文武諸臣扼腕馬匹缺乏致令虜緩

天誅臣已動支節省內無馬兵丁銀二萬四千七百七十三兩二錢發貯關庫聽候買馬以資捷伐

計可增上駟一千餘匹於軍

國不無少補又緣南海口倉廩少臣目擊糧料露
囤甚多詳樞輔臣孫承宗批存增建倉廩二千
兩又緣虜報緊急搬運糧料入城準備緩急動
給腳價六百兩以上共動節省銀二萬七千三
百七十三兩二錢實在存庫一萬六千六百零
八兩四分六釐六絲五忽聽候本部作正支銷
此臣任內斤斤節省之數也又該臣到任以後
查汰繁冗員役裁去門下答應官四員領餉官

員下家丁二十名未經印烙馬十匹每月油糧
銀九兩每歲裁減廩糧工食豆草共計銀八百
七十五兩四錢已入新定經制冊內此臣節省
又不但一年之計皆臣兢兢恪守官職以求無
負

皇上任使者也今臣差期已竣候臣本部堂官考覈
外爲此具本臣親捧奏

聞等因本年十月二十一日奉

聖旨這所報節省銀兩買馬實存等數戶部查明具

奏欽此欽遵抄出到部送司查覆間該本部題爲
遵

旨查奏大同年例併山海找補舊欠銀兩仰祈

聖鑒事本年閏十一月二十日奉

聖旨知道了林玄着照例考核欽此欽遵抄出到部
送司案查先奉本部送據山海差滿餉司林玄
呈爲考覈司屬官員事內開任內收放併節省
等項錢糧數目與前疏相同其所稱節省銀四
萬三千九百八十一兩有奇內開無馬兵丁銀

二萬四千七百七十三兩二錢搜括海運應
省元二年召買豆價銀一萬二千六百九十五
兩六錢六分節省海運應四年二三四月衙役
工食銀四十七兩二錢五分三年七月分節省
還官銀四百九十九兩一錢一分六釐五毫節
省出三年分未買草價銀一千二百七兩一分
零四年分未買米價銀一百三十五兩六錢三
分五釐節省召買米每石二錢共銀四千六百
二十三兩三錢七分三釐呈乞考核等因到部

送司十一月初二日又奉本部送准閣部孫承
宗咨爲考覈司屬官員事內稱據山海餉司林
玄呈報任內收放過錢糧并節存等項數目呈
乞照例咨部考覈等因到本閣部據此考得本
官性地沉潛故秋毫能析心源清潔故一介必
嚴蓋不言而飲人以和有說而措事於當浹歲
以來無一丁不核無一鎰不清明不爲察淵而
思若爲挾纊盡數萬官兵旣畏明公兼懷慈惠
且議爲必行之計事爲經久之規如席價建廠

既屬遠謀而以節省銀二千留貯建版以爲後
來者作始此豈爲一時一事借名節緒者比也
本官殆以揮霍鴻遠之局而主以清嚴行以權
異者真品也嘗有特擢以酬遠略等因到部又
准薊遼總督曹文衡咨同前事內稱山海餉司
差滿例得從優以酬其勞况關門士馬叢集轉
運收支最稱繁劇本官當虜變之時軍務倥傯
能追補積酌盈濟虛節省過銀兩米豆爲數不
貲此成司餉之表表者相應優擢以爲勞臣之

勸者也等因到部又准天津督餉部院翟鳳翀
咨同前事內稱關門當兵馬雲集軍需最稱浩
繁非得才品雙超卓有幹濟之司屬烏能資騰
飽而奏安攘之績今主事林玄握計風清持籌
露靄處山海衝劇之地心軫士馬而本折四應
不窮當錢穀匱詘之秋意在撙節而剩餘纖塵
不點計一年之內經收折色七十六萬三百有
奇糧料四十三萬七千三百有奇草束六十二
萬八千七百有奇皆條分縷晰錙銖不爽當此

公私交匱猶能多方調劑樽節銀四萬三千九百八十一兩零猶司計之鴻猷等邊之懋績也茲當差竣回部之日正其程功優叙之時擬合咨叙等因到部俱送到司隨將該餉司林玄任內收放過一應錢糧逐一查對本折數目清楚銖粒無爽相應考覈題覆案呈到部該臣等看得山海扼咽喉之要地向宿重兵加以邊疆有事四處徵調不時呼索自非深守長才未易勝其任也該管餉司林玄受事在遵永震隣之餘

報滿當大凌告警之際糧餉芻秣等項四應集
悞悉心清釐收放不爽統計任內除查扣無題
兵丁銀二萬四千七百七十餘兩以資市駿外
其餘搜括清查節省共銀一萬九千二百八兩
四分零皆該司苦心綜覈所得而內以六百兩
爲腳價搬運糧料入城備戒不虞又以二千兩
增建倉廩則糧料足庇風雨而三軍積貯大倉
實永賴之是不肯傳舍其官而實爲錢糧起見
也餘尚存一萬六千六百零八兩四分六釐六

絲五忽堪充正餉至於兩次裁汰衙門員役及
自備馬匹計每歲可省銀八百七十五兩四錢
此制既定庶幾持之永久其所節省又不但爲
一年計矣此閣部與總督部院所共爲掄揚而
移咨臣部者也該臣等考得本官清修有素立
志不欺當戎馬倥偬而咄嗟措辦值計帑匱調
而經營建置真才品卓然不負任使者也旣經
閣部督撫津部咨薦前來擬候考覈間適臣部
新餉堂以造冊疑議具題奉

旨覆覈近經查明錢糧委俱清楚已蒙

睿鑒止從薄罰則本官了無他滯矣相應考覈具題

恭候

勅下吏部查照施行

崇禎五年五月十四日具

題本月十九日奉

聖旨林玄已有旨着照例考核這本仍稱相應考核

又不言應否復職是何說着該司官明白奏來欽

此

覆山西留餉疏

題爲

聖主俯軫三晉之艱微臣仰徼一視之仁懇乞早定
廟謨以收人心以固封疆事新舊兩餉司案呈崇禎
五年五月初三日奉本部送戶科抄出浙江道
監察御史李嵩題前事內稱臣謬奉

簡書巡歷山西今之疆圉非復昔日四郊無壘之舊
乃流寇所蹂躪殘破之區也今之民生非復昔
日安居樂業之嘗乃流寇所焚劫殺掠之遺也

於此不急爲拯救早爲收拾無論陷溺小民出
水火之無日且使顛連萬姓將從迨而甘心逆
蔓難圖憂方大也伏祈

皇上早定封疆大計念嘗地爲

神京右臂所關

勅宣大督臣張宗衡急發標兵數千遴廉勇戰將統
馭南征

勅新簡鎮臣馬士麟星馳至鎮於三關軍士挑選精
壯倘有不足另行招募擇勇有技者厚其糧餉

俾衆心歡欣鼓舞樂於戰鬪麾下以赴湯蹈火
之兵斯臨敵有斬將奪旗之捷而可以滅此群
醜矣但時方告訕三晉民力已枯京邊二運敲
帑無措能點鐵乎量沙乎計惟有請於

皇上俯推秦齊一視之仁或發

朴金或

勅戶兵兩部措處金錢再查晉省錢糧有何項可以
借用暫留二二十萬爲兵餉之需事平銷筭待
後照數補還庶目前之兵餉有資垂盡之民生

不穩與懇

皇上垂憐災黎查各府所屬被害猶甚者豁免五年
新增加派並量減糧稅以活億萬之命又有陳
者裁減驛站銀兩已奉

新旨許晉省照舊派爲軍餉用今駕司堅爭一萬五
千餘兩欲留爲各鎮買馬之需夫此銀係已裁
未徵之虛數以本鎮之節裁留爲本鎮用非駕
司額派之物而兵部忍奪諸懷而取之亦大不
情矣等因本年五月初三日奉

聖旨山西流寇日熾張宗衡既蓄堪戰標兵何不急
發勦除致流毒無已馬士麟已有旨了餘著該部
酌覆欽此欽遵抄出到部送司議覆開案查本年
三月內本部議覆山西巡撫宋統殷題爲剿賊
需費無措微臣冒死陳言等事議將四年應解
汰冗銀一萬三千九百一十餘兩准頂元二年
壓欠年例并二年未完礮項二萬一千一十餘
兩共銀三萬四千九百二十餘兩俱准留用等
前以克行糧鹽菜之需其五年裁汰克贍田銀

七千八百四十餘兩亦姑留爲勦賊之用等因
奉

聖旨銀兩准照數留用流賊着速行勦定如再老師
糜餉罪責何辭贍田依議照例坐派欽此欽遵隨
卽咨行山西撫按去後茲於五月初八日准巡
撫宋統殷咨稱已經備行布政司速解軍前應
用今據該司呈稱三年議項二萬已於三年七
月內解宣鎮抵克補賞其稅契銀一千一十六
兩在大同各州縣逋欠未解又裁汰一萬三千

有奇抵克元二年歷欠年例則應解餉司之物
若作軍前支用恐餉司又復索討也等因據此
爲照西賊蹂躪晉地勢必用兵行糧鹽菜功賞
等銀原無額設故請襍項十萬以救燃眉不意
貴部只覆四萬且皆虛懸重出無補急需煩請
速加裁酌等因到部送司除站銀一項事隸兵
部應聽該部議覆獨免五年分新增加派一項
業該山西撫按具有晉地賊患未已一疏本部
見在另行議覆外所有請留錢糧一事相應酌

覆案呈到部該臣等看得

國家多事東顧登萊西顧秦晉軍興餉糜臣部且
費持籌鮮有厭其求者豈猶有遺力哉不過此
外解耳纔歸臣部則視爲如取如攜兌用軍前
則視爲若有若無何持於臣部者急而持於地
方者緩也晉撫宋統殷前有勦賊需費之請臣
部已將四年汰冗銀一萬三千九百一十餘兩
五年汰冗原抵贍田銀七千八百四十餘兩三
年欠解襍項新餉銀二萬一千一十餘兩應之

矣乃該撫咨至猶以爲未足也若謂三年襍項
二萬已准部文改解補賞仍欠一千一十餘兩
又係大同拖欠稅弊之數查補賞果有卷案災
地果難窮追若汰冗二項共銀二萬一千餘兩
則見在銀項也該省院司但恐餉司索討不能
作行糧鹽菜耳夫軍興卽在年例之中用以抵
年例者正可移佐軍興也及查秦中勦賊一切
行鹽多取給於延鎮餉司何獨至於三晉而疑
之該撫謂畫餅未足療饑而按臣李嵩亦共爲

時額大數目前晉寇正熾方欲請調標兵及遴
選三關精銳以資大勦故矢口輒援秦齊爲例
鑒歎求益於年例之外專以見在可恃者責之
臣部臣部亦何敢僉於年例之內不以見在可
恃者再爲晉中少効一臂也查該省五年分新
餉襍項銀六萬八千一百六十六兩九錢係每
年徵解之數臣部擬將此項盡割以與之聽布
政司催解軍前接濟與前汰冗銀俱免解餉司
臣部再將該鎮餉司夏季年例五萬餘兩俟鹽

課到日急爲給發則軍前糈資不乏其鼓厥以
減此朝食不難矣雖曰新餉舊餉各有畛域但
舊餉素稱匱乏而意外軍興之需不得不借之
新餉以爲應急之着然舊餉自崇禎元年迄今
僅欠五萬有奇今以汰冗二項補還二萬一千
餘兩今又割新餉六萬八千餘兩通融銷筭除
抵完壓欠外尚存三萬九千餘兩可克行鹽賞
功之需蓋壓欠原非臣部所能補似亦無所用
補但旣割與多金而不爲議抵則異日終得借

歷欠爲口實亦臣部萬不得已之極思也既經
具題前來相應覆

請恭候

命下臣部移文山西巡撫并各都察院轉行巡按御
史及照會布政司一體遵奉施行

崇禎五年五月十四日具題本月十七日奉

聖旨該省五年分新舊襍項銀兩并夏季年例依議
催解給發欽此

覆秦省題留五年分新餉并四年分未完銀
題爲賊勢猖獗日甚錢糧缺乏可虞懇乞

聖明垂鑒亟賜措發容臣盡力料理蚤圖剿定事專
理新舊兩餉清吏司案呈崇禎五年五月十三
日奉本部送戶科抄出陝西三邊總督洪承疇
題

請錢糧等緣繇本年五月十二日亥時奉

聖旨該省錢糧存發數多亟宜鼓勵將士速殲賊黨
何又呼籲不已據稱軍興費繁支應難繼洪承疇

既以刻期蕩平自任所請隣省協濟併五年分餉
站等銀該部酌議速奏欽此欽遵抄部送司除站
銀聽兵部議覆外所有先後正襟新餉相應酌
覆案呈到部該臣等看得素地歲荒盜起禍結
三年不解今欲厚集兵力以定蕩平之期洵非
數米量薪之智所能了辦臣部未嘗不設身處
地惟力是視以圖大爲接濟也除已往不計外
入春以來先補舊欠三萬兩又題留新餉十五
萬又發春季年例八萬八千餘兩又請發

帑金并戶兵二部年例站銀十萬兩又餉司曠昭
順裔夏季年例二萬兩臣部剝肉醫瘡良匪易
易無奈該鎮之繁費無已督撫之呼籲愈頻夫
行月功賞軍興所必需者臣部無敢諉也若器
械若賑助若牛種乃亦並分士馬之食而徇之
豈不難哉然而燎原之焰撲滅之策督臣洪承
疇計久近較省費決勞逸欲以四十萬破格之
請易數月不世之功且願以身許

國臣竊杜之誠不敢不以臣部新餉所爲履畝而

加計日以需者聽其悉索以從也查秦省五年
新餉先後加派銀三十五萬一千五百八兩零
襍項銀六萬九千二百一十六兩零除工部分
餉四萬兩題留十五萬兩蠲停銀八萬四千三
十九兩零解過銀三萬兩還餘銀一十一萬六
千六百九十五兩零爲應解部之數又四年分
除蠲留實解外尚欠解部銀三萬一千九百五
十一兩零合之共得銀十四萬八千餘兩俱准
留用以該省之物力全注之該省雖未必錙銖

不爽想亦可呼應不窮矣若河南協濟揆之同
舟之誼恤鄰之義亦無所辭但東西震隣該省
設防設備先自爲計除一切正供外寧能天降
而地出乎至於新餉則關寧薊永引領續命舊
餉則九邊士馬延頸待哺臣部誠不能盡捐以
予三秦而坐視各鎮之呼庚也蓋心誠切而力
已窮矣再照年來新餉額若有餘實仍不足且
前奴虜蠢動邊警可虞乃餉滇餉黔餉秦餉晉
無一不割之新餉而一二東三協征調頻出着着

急而着着應臣部大費持籌無能借箸直冀獲
補苴之何從者惟有蒿目腐心而已既經具奏
前來相應覆

請恭候

命下臣部移文陝西督撫按臣及藩司遵奉施行

崇禎五年五月十五日具題本日奉

聖旨這五年分加派襍項併四年分未完銀兩依議
准照數留用秦省前後撥給錢糧爲數已多卽着
該督撫集兵勵銳速奏蕩平毋得玩延糜耗欽此

議蠲大同山西所屬新增加派錢糧疏

題爲瘠疲萬難加賦懇恩遵

旨議蠲事專理新餉山東清吏司案呈崇禎五年四月十七日奉本部送戶科抄出大同巡撫張廷拱題前事請蠲大同府屬災疲地方應州馬邑渾源朔州大同懷仁山陰等七州縣新增加派三釐銀兩緣繇本年四月十六日奉

聖旨戶部酌議具覆欽此又該按臣胡志藩會題前事同日奉

聖旨已有旨了該部知道欽此又該巡按山西監察御史降二級管事羅世錦題爲晉地賊患未已民窮轉甚伏乞

聖明亟恤才遣以奠全晉以固

畿輔右臂事內開晉中城池雖保無恙而村落饑民苦於荒盜者仇雠堪憐懇乞

皇上憐念災黎俯將前開平陽汾州太原各府所屬沿河被賊擾害州縣豁免崇禎五年新增加紙併量減糧稅其河曲縣本年新舊錢糧悉照四

年蠲免再請量發

內帑不拘多寡賑濟以示

德意以安窮庶等因會同撫臣宋統殷合詞上

請本年四月二十四日奉

聖旨該部酌議具奏欽此又該山西巡按浙江道監

察御史李嵩題爲

聖主俯軫三晉之艱微臣仰徼一視之仁懇乞

廣議以收人心以固疆圉事請留山西錢糧以供該
省剿賊之用并請蠲免被災府屬五年分新增

加派等緣繇本年五月初三日奉

聖旨山西流寇日熾張宗衡既有堪戰標兵何不急
一發剿除致流毒無已馬士麟已有旨了餘着該部
酌覆欽此又該山西巡撫宋統殷題爲晉地賊患
未已等事本年五月十一日奉

聖旨該部知道欽此欽遵通抄到部送司除山西議
留錢糧一項已經另疏具覆外所有大同七州
縣山西二十四州縣蠲免新派一項相應酌議
併覆案呈到部該臣等看得晉省新餉從來徵

解如額並無逋負近因寇賊充斥災祲相仍於是戎馬荆棘之區非盡播種耕鑿之地矣故大同府屬應州等七州縣該撫按張廷拱胡志藩合詞以蠲免新增加派爲請平陽等三府屬臨州等二十四州縣該按臣羅世錦會同撫臣宋統殷合詞以蠲免五年分新增併量減糧稅內河曲一縣仍欲照四年之例新舊悉蠲更以發帑賑濟爲請而新按臣李嵩亦以山西被災府屬查免五年分新增加派爲請臣等按疏覈覆所

開各府州縣或罹寇患或遇兵荒或天時偶沴
而西成缺望或哀鴻未集而東作莫興各該撫
據自學時艱請蠲請賑誠匪得已痾瘵切念臣
有同心今議將大同府屬應州等七州縣各免
新增三釐蓋增派原爲封疆而逼處窮邊災癘
兵擾正封疆之隱憂應與寬一分之賜也其平
陽等三府屬隰州等二十四州縣內隰州蒲縣
吉州鄉寧永和大寧絳州稷山河津太平永寧
石樓臨縣寧鄉岢嵐興縣十六州縣與保德一

州昨年四月臣部覆撫臣宋統殷兵荒交至一
疏各蠲新增三釐一年仍議益平以地方之肥
瘠爲多寡如甘嵐石樓蒲縣隰州永和大寧方
州鄉寧稱上疲各減一釐五毫興縣臨縣永寧
寧鄉與保德稱次疲各減一釐絳州稷山河津
太平原係樂土偶值兵荒以後照管徵派等因
題奉

欽依在案亦足以示休養而蘇凋瘵矣無柰軍興未
已寇盜之擄掠援兵之騷擾耕耘都廢村社爲

墟則收拾培養無使驅之走死地者勢不容緩也合將隰州等共二十三處姑准免五年分新增加派三釐以後遵照前題例行其舊加派并夏稅秋糧不准量減既徼見蠲增派之

鴻恩又有歲沐量減之寬政

朝廷之上不忘此一方民有不賣劍而想望太平者非人情也至河曲一縣臣部於四年六月內覆督撫張宗衡宋統殷名城雖復民隱堪憐疏議將四年分新舊加派襍項併該縣額徵民運折

色銀三百餘兩本色麥豆一千二百九十餘石
俱從免徵以後仍照上疲例歲減新增加派
釐五毫覆

准在案今按臣復欽州舊倉免再徵

帑賑濟失亦以該縣膏流賊殘破之衝瘡痍特甚
非管之災非得非管之膏澤不足濟之今議
准再免五年分新舊加派雜項民運本折以示
特恩乃若賑濟一事查去夏督臣張宗衡題爲情急

額

奏一覽奉有旨見陝西各官曾有捐賑以贖
贖何以獨無之

官兩里部覆疏內亦推廣其說云該撫按官清查
括如有隣近州縣貯積倉穀并司府庫內無積
官銀酌量給賑是在該督撫按道府諸臣多方
賑濟以綏懷此周察之遺黎耳既各會題前來
相應覆

請恭候

命下臣部移文各該衙門遵奉施行

崇禎五年五月十五日具題本月十七日奉

聖旨依議欽此

覆津門發過關寧米豆并立二三運限期疏

題爲遵

旨議覆津運事專理新餉山東清吏司案呈崇禎五
年五月二十日奉本部送准兵部咨爲夷情事
該山永巡撫楊嗣昌題前事內開目今關兵乏
食津門二運不前永平派八萬糧且未有一船
到等因本年五月十九日奉

聖旨這本歷據偵探揣度狡奴情形亦自有見各邊
俱著蒞飭嚴備其防兵津運事宜該部看議速覆

欽此抄出兵部備咨到部送司查得津門頭運
近經津部鄭宗周督餉御史王邦柱會疏

奏報發過關內米五萬六千六百一十五石九斗
八升五合豆三萬六千六十二石一升五合關
外米一十九萬五千八百七石五斗二升二合
五勺豆一十二萬九千六百五十一石七斗三
升七合五勺通共運過關內外米豆四十一萬
八千一百三十七石二斗六升一合俱于三月
二十一等日陸續開洋等因本年五月十二日

奉

聖旨戶部知道欽此備照在案及查五年分津運關
率米豆腳價共該銀二十三萬一千七百二十
二兩八錢分爲三運每運該銀七萬七千二百
四十兩九錢三分三釐零頭運腳價早已發完
二運除將德州倉四年分粮折等銀二萬七千
七百一十三兩五錢零又三年應扣二年分稻
穀銀七百九十五兩六錢行文轉解扣抵外淨
該找給銀四萬八千七百三十一兩八錢零業

于五月十八日一面咨催津門差官赴領一面
創行新庫照數兌發去訖又先于四月二十六
日奉本部送據天津餉司王珍錫呈稱原派薊
永米各八萬石今先發永鎮米四萬石請腳價
五千六百四十四兩本司隨即說堂創行新庫
發委官梁廷棟領運去訖具稿題覆間本月二
十一日部時奉本部送戶科封送

御前發下紅本該山永巡撫楊嗣昌題爲津糧中斷
戊卒呼與請乞亟

勅發運以救然倉事等因奉

聖旨關禾需糧甚急津運遲延好生玩悞著鄭宗鼎
嚴行督催卽將發運起程數日時日明白奏來往
年春夏月併力僨運儲待有餘今歲如何頃異還
著戶部看議速奏欽此欽遵到部送司除一面呈
堂咨行津部嚴行督催二運米豆并將運發起
程數日時日明白回

奏外相應遵

旨議覆案呈到部該臣等看得關禾本色倚命津門

在彼聯艘而來在此需金而待血脈相須無容
間斷者也每歲津門海運自春暮以及秋高分
爲三運揚帆破浪不可後時然其間候省直之
召買符漕糧之截留俟海船之回空種種節奏
未可旦夕課程大約抵信遲速不等逮于秋杪
而事竣矣今歲據督餉撫按所奏關內外頭運
亦頗及時永運四萬人給腳價想已督發啓行
但奴虜方耽耽塞外必須預儲厚積而後可恃
以無恐若拘泥嘗期誠倍萬可虞者且查津門

頭運派開外者可三之二派開內者不及三之一雖津門總于三通通融開門未免見分盈縮該撫楊嗣昌大聲疾呼勢非獲已目前二運伊邇正可刻期接濟以補頭運之缺額者也抑臣等總總過慮向來津運官舡不足益以民船頃津以水兵援登選用官舡六十六隻強半化爲烏有風鶴之警民舡停棹召之不來則運難人情利則趨而害則避近聞開津諸臣革弊太甚晒揚追比毫無餘地卽真正漂損者亦難開銷

往往破家殞身風波之險誰甘蹈之委官舡戶
未免相率裹足則運難是津門起運之苦不啻
關門望運之苦撫道餉司但能不悞嘗期固已
大費調停臣部安忍更爲苛求也惟是封疆所
關豈容退阻爲於難爲正規建暨當此時事艱
虞臣等惟以大義督之津門運事擬於嘗限之
外務卜其蚤二運定於六月報竣三運定於八
月報竣餉道張憲芳雖已

予告業已補有新官且餉司王珍錫正可肩承而料

理者一切糧運津門多方拮据一切運價臣部
有呼必應庶疆場有京坻之積荷戈無庚癸之
呼於以資宿飽而濯聲靈有餘裕矣又津門頭
運數目時日已經

奏報應令二運目下開洋作速具奏以紓

聖明東顧可也既經該撫具題前來相應議覆恭候
命下臣部移文各該衙門遵奉施行

崇禎五年五月二十三日具題本月二十四

日奉

聖旨這發過關內外米豆及永糧腳價數目日期知
道了鄭宗周着嚴督經管道司速行傾運不得延
悞取究二三運限期依議行

覆關內姦委葉有光等侵冒米豆疏

題爲奸蠹作弊最深餉務耗費可駭謹據實

上陳乞

勅撫臣嚴追究罪事專理新餉山東清吏司案呈崇
禎五年三月十二日奉本部送戶科抄出山永
巡撫丘禾嘉題前事內開崇禎五年二月十九
日據永平道左叅政王凝祚呈准薊鎮東協太
監張國元手本該本監題前事十一月三十日
奉

聖旨米豆軍中急需豈容侵漁泡爛張織金世任
革了職併胡時和等一千人犯該撫按會同監視
提問明白具奏刁化神既責令賠補何無嚴督
應許接管有無交盤及王凝祚職掌有無關涉俱
著該部查議速奏欽此欽遵備會到道准此又蒙
順天巡撫傅宗龍巡按御史吳阿衡各憲牌前
事蒙此遵行提究間閏十一月二十二日又蒙
順天巡撫傅宗龍爲聞警急運漕糧事准戶部
咨新餉司案呈奉本部送戶科抄出本院題前

事奉

聖旨這事情已經監視具疏卽著該撫按遵旨詳問
嚴追具奏該部知道欽此又該勅諭總督曹文衡
題同前事奉

聖旨已有旨了該部知道欽此欽遵抄出到部送司
案呈到部備咨到院准此擬合就行爲此牌仰
該道遵照

明旨及前行牌內事理卽將奸委胡時和等逐一研
審嚴行追補確招報院以憑具奏施行又蒙巡

按直隸監察御史吳阿衡案驗前事蒙此該奉
道遵卽行據永平府知府王四聰推官馬名
會問看得米豆關切軍儲與守何容乾沒若經
歷胡時和知事沈家駒與白丁葉有光夏陽委
榮金調餉王琰楊一禎等濫膺監守之責得專
侵盜之權明知劉家壩逼近海濱何傍海而屯
糧失筭旣因雨淋漓淹沒何雨止而曬晾失宜
且藉泡爛之名大肆侵漁之計捏虛數以賄官
攫厚利而肥已贓各貫盈囊營如律管糧同知

張織職司糧務智乏防奸各委侵欺有弊本官
覺察何疎且查任事于五月而靈雨傾注海水
汜流則在七月中也雖浥爛罪歸各委而本官
奉有賠補之詳宜卽按數追完何至遷延不結
織將何辭以解也雖有水運節省之勞亦難追
視職杖警之罪陸運都司金世任管車二百八
十輛計工七萬八千六百一十三日卽以七日
半筭周一轉則當運糧六萬八千三百七十八
石而今止運五萬八千四百五十七石則所少

運九千九百二十一石者豈非曠工一萬一千
一百九十二日乎今折車三百七十二輛則世
任二百八十輛之車于一十五月之內已有一
月零八日之曠矣使能刻日轉輸何致糧遺海
岸其二千二百三十二兩之曠工月餉不當照
日追還乎又車頭十二名之月糧亦應與曠車
併追若世任月支廩糧一十七兩再計八日之
曠已糜

國餉二十一兩五錢三分應依詐欺之律擬徒以

懲者也其各夫曠工月餉卽於各車續支月餉
逐月抽扣抵還使不上下偏病可耳今擬胡特
和葉有光夏鼎麥榮依律坐斬金調鶴王琰沈
家駒引例永戍楊一禎一徒不枉及查

奉條例有監守侵欺人犯贓至二十兩以上者限
一月二百兩以上者限三箇月果能盡數通完
例該永戍者止照本律發落真犯死罪者減等
免死充軍以著位後所生子孫替役如過期不
完各依本等律例從重定擬

恩旨炳若日星各犯泣請援例今沈家駒妻榮米豆
已完應從分別減等胡時和續完米豆四百零
五石六斗七升尚欠豆九十四石一斗俟全完
另詳減罪其他各犯有能依限完贖者亦當照
例減等無庸更置一喙也取供問擬胡時和葉
有光夏陽各依主守盜倉糧四十貫真犯斬罪
金調偶妻榮王琰各引例永遠充軍沈家駒楊
一禎各褫犯准徒五年金世任依詐欺官以取
財者計贓准竊盜無刺律減杖九十徒二年半

具招於崇禎四年十二月二十一日連人呈解
本道蒙批奸委不法諸狀前海濱目擊每爲髮
指奸委多以白丁貪緣收納誰實轉呈職爲厲
階其肉尚可食哉今奸委曉曉云有倉收足憑
與夫券帖可証一銖一粒皆關

國課仰府再嚴會部數速速報奪繳行間胡時和
又將賠補報完懇恩憐宥事內開運官朱邦華
欠米一百零七石五斗車頭龔應得欠米一十
七石二斗七升舡戶趙仕曹三欠米五十五石

九斗車頭減爾甫欠豆二十石缸戶徐善友欠
豆五十六石驢戶田應利欠豆四十四石各照
數交倉訖時和止有浥爛米一百零五石豆九
十四石未蒙題叅之先具有認狀賠補批允在
案節經補完原無侵漁懇乞恩開一面等情具
呈本道蒙批仰永平府確查如律速報行間楊
一頤亦將新夫開豁曲賜免全事具詞赴稟本
道蒙批原疏曾註有可從寬政等語今四石已
經上納仰府查豁繳行間金世任亦將懇恩洞

察原情立明波及飛冤等事赴稟本道蒙批仰
府併審報金世任又將懇鑒顛末恩豁無辜事
內稱劉金墩至府原定九日一轉况有越過永
城送至各邊口更多一二百里今槩以七日半
折筭安得無曠糧料浥爛原爲陰雨連綿車輛
何能行動且代運各邊未出實收之糧數至七
千有餘今槩不筭數况車調援凌陣亡三百餘
名今照前扣除工食則新募車夫安肯代死人
扣糧縱有曠工之夫亦無曠工之官今以世任

廩糧與車夫工食併追作贓論罪任死不瞋目
等情沈家駒亦將此例原情宥罪事各具呈到
府該本府王知府查將有光等開出欠糧數目
關送常同知追比仍責令張同知催完取有倉
收造冊送府繪恐未的復具文移會餉司四稱
胡時和原欠米二百八十五石六斗七升豆二
百一十四石一斗黍稷原欠米一百一十石豆
四百二十三石四斗一升王琰原欠豆二百三
十石九斗金調鶴原欠豆二百二十石米一百

九十三石三斗五升夏鄭原欠米七十八石豆
七百石葉有光原欠米一百四十三石八斗豆
一千七十石三斗八升沈家駒原欠米四十五
石七斗一升五合楊一禎原欠豆四石俱各全
完無欠緣繇回覆到府復該知府王四聰會同
推官馮名世提取有光等到官再四研審胡時
和方將運官朱邦華等原領運掛欠米豆數目
并原認賠泔爛批允詳卷脩供明白查對相同
車頭宋守順等亦將七月陰雨連綿車輛難行

并援凌車夫陣亡多半情繇沈家駒亦將原收
水濕爛折米四十五石七斗楊一禎亦將盤運
折耗豆四石并原疏從寬等情繇各供在卷覆
該會看得葉有光等收納軍儲任情乾沒計贓
罪各如律糧完例應減等獨胡時和欠糧有運
官運夫浥爛有認賠文案沈家駒收船戶水濕
之米致浥爛有虧折之數似未可與侵欺者同
論各依律改徒庶服其心楊一禎欠糧僅四石
疏內有從寬之文完糧在各委之先相應減杖

管糧同知張織司糧務而覺察不早咎自無辭
但糧非經手侵染無弊且督追欠糧以結局亦
可諒本官心事之無他也量從校警金世任督
運莫稽曠工食糧徒糜

國帑姑念霪雨作祟轉運爲艱量減曠工十八日
且援凌車夫陣亡過半今欲責後募之車代追
前曠之餉恐非聽斷者持平之法也金世任仍
照原擬徒懲其車頭車夫共追曠工銀一千一
百三十六兩八錢卽於各車役過月餉扣除補

庫取供減擬葉有光與榮夏鼎各主守盜倉糧
四十貫律引例永遠克單王琰金調餉各襍犯
准徒五年金世任依詐欺官以取財者計贓准
竊盜一百二十貫罪止律減杖九十徒二年半
胡時和沈家駒各依積聚物安置不如法曬晾
不以時致有損壞者計所損物坐贓論五百貫
之上罪止律各減杖八十徒二年張織楊一頑
各不應事重律減杖六十具招呈詳本道覆審
無異看得葉有光等鑽委出納殆以潛儲爲居

奇者始肆侵漁欲飽囊橐既借汨爛圖便開銷
原擬辟遣法不爲苛但各犯米豆限內全完取
有接管部收足據應援

欽例分別減等若同知張繼職任管糧防奸不早雖
無染指之跡難免疎忽之愆然昔開水運以佐
籌今追欠糧而贖過姑從一杖亦足示懲陸運
都司金世任責司輓輸時日迂遲計曠追糧始
無虛糜仍於本官曠廩內計贓擬徒庶彰

國法之不可貸也今蒙取問罪犯外結得每米一

石值銀八錢每豆一石值銀五錢五分每銀一兩值鈔八十貫招結是實九名夏鼎年二十七歲撫寧縣人婁榮年三十九歲山海衛人王瑛年三十歲浙江會稽縣人金調龍年二十八歲楊一禎年三十歲金世任年四十歲俱浙江義烏縣人沈家駒年四十歲福建龍溪縣人張織年四十歲貴州籍淮安府人胡時和年四十二歲直隸太平縣人各招同二名宋守順年四十一歲河間府人張敖年三十八歲河間府人李正

春年三十六歲真定府人各供同一議得葉有光等各所犯葉有光夏鼎婁榮金調鼎王琰俱合依主守自盜倉糧四十貫律各斬俱雜犯准從五年金世任依詐欺官以取財者計贓准竊盜一百二十貫罪止免刺律杖一百流三千里胡時和沈家駒依倉積聚物安置不如法曬曝不以時致有損壞者計所損物坐贓論五百貫之上罪止律杖一百徒三年楊一禎張織俱依不應得爲而爲之事理重者律各杖八十金世

任胡時和楊一禎張織俱有

大誥及遇蒙

欽恤恩例通減二等金世任杖九十徒二年半胡時
和沈家駒各杖八十徒二年楊一禎張織各校
六十沈家駒金世任胡時和張織俱官金調鼎
王琰楊一禎俱感戴王琰楊一禎有力金調鼎
稍有力各照例葉有光夏鼎妻榮免其徒杖定
發邊衛永遠克軍拘食妻解發遣招達部知沈
家駒金世任胡時和王琰各納米贖徒金調鼎

折納徒工楊一禎張織納米贖罪各完日張織
金世任胡時和沈家駒各革職王琰金調鼎楊
一禎各寧家伏候招詳乞示施行一照出葉有
光夏鼎婁榮俱軍犯免紙張織金世任沈家駒
胡時和各官紙三錢王琰金調鼎楊一禎各民
紙二錢王琰又該贖徒米五十石每石折銀五
錢共折銀二十五兩金調鼎又該贖徒銀一十
八兩金世任又該贖徒米三十石折銀一十五
兩胡時和沈家駒各又該贖徒米二十五石各

折銀一十二兩五錢張織楊一禎各又該贖罪
米六石各折銀三兩俱追貯永平府庫候文支
銷其葉有光等原共欠米八百五十六石五斗
三升五合豆二千八百六十二石七斗八升招
稱俱係追完交倉取有部收見在陸運車頭十
二名朱守順等各贖工二十日該月餉銀共一
十六兩八錢車二百八十輛該贖工月銀一千
一百二十兩與金世任詐欺支領廩糧銀一十
一兩三錢三分俱照數追還部庫通取庫收繳

報餘無再照計開依主守盜倉糧四十貫雜犯
准徒五年犯人五名引例充永遠軍三名葉有
光婁榮夏鼎納米贖徒一名王琰折納徒工一
名金調鼎依詐欺官以取財者計贓准竊盜一
百二十貫罪止免刺律減杖九十徒二年半納
米贖徒犯官一員金世任依積聚物安置不如
法贖贖不以時致有損壞者計所損物坐贓論
五百貫之上罪止律減杖八十徒二年納米贖
徒犯官二員胡時和沈家駒依不應事重律通

瘵杖六十納米贖罪犯官二員張繼楊一頑
明人三名朱守順李正春張教應追還官銀一
千一百四十八兩一錢三分紙贖銀九十兩八
錢緣跡具招到臣該臣看得

國家徵課輸邊一顆一粒不知費幾許金錢竭無
限膏血乃從來小委於中爲窟假浥爛以欺公
乘收放而飽腹種種弊竇久矣莫可窮詰矣非
一番嚴究未足懲奸近該監視疏叅人人服讞
此正釐剔之一會臣等惟奉三尺决不使毫有

狗蔽據詳如葉有光婁榮夏鼎等侵盜有據金
世任借運車援凌任意推諉胡時和等不行曬
晾張織實防奸不早俱各有應得罪名但

祖宗律例有限內全完減等之條則葉有光等三犯永
遠克軍王琰金調鼎金世任胡時和沈家駒分
別贖配張織楊一禎各杖警庶幾不枉再照糧
豆抵岸陸運爲艱車輛旣難顧覓囤積必有損
傷向使運道早通安有此失則張織受事未久
開河一案實萬世之利也查本官察奸雖遲原

無點染爲輓運計復能開萬世之利邀

恩使過或亦

祖宗減等之義乎是又非臣等所敢擅議矣既經道臣

確擬前來臣謹會同督臣曹文衡監視張國元

按臣吳阿衡合詞奏

請伏乞

勅部將葉有光等一千人犯依律議覆施行等因

禎五年三月十一日奉

聖旨該部覈擬具覆欽此又該監視薊鎮東協太監

張國元題同前事本年三月十二日奉

聖旨已有旨了該部知道欽此又該直隸巡按御史
降一級戴罪管事吳阿衡會題前事本年三月
二十七日奉

聖旨已有旨了該部知道欽此欽遵抄出到部送司
相應覈覆案呈到部該臣等看得永鎮奸委業
有光等或以白丁而夤克委任或以卑官而營
管收支其設心以米豆爲奇貨以浥爛爲鬻局
也故若欠若侵若爛米豆共計三千七百一十

九石三斗零倘非監視督撫諸臣查出糾參
繼此以往又不知侵蝕凡幾矣今自奉

旨追究而葉有光等之走死地如鶩者翻然凜三月
而知懼各將侵者吐瀾者賠爭先完納以希
減府道援例以定罪督撫監視依擬而入

告內擬永成者二名葉有光夏鼎葉榮是也分別贖
配者五名王璠金調鼎金世任胡時和沈家駒
是也納本贖杖二員名張織楊一禎是也既經
確審會題相應

勅下該衙門分別駁落內同知張繼以失於查報
擬杖贖今督撫監視諸臣疏稱本官察奸弊
原無點染且開河渠爲輓運計能垂永遠之利
欲微使過之仁此則

鴻恩出自

聖裁臣等未敢擅擬者也至于追完米豆三千七百
一十九石三斗零應作永鎮新兵月糧支銷其
應追還官贖工銀一千一百四十八兩一錢三
分并紙贖銀九十兩八錢勒限追完仍覓月

嗣後務宜愈加懲飭俾奸弊肅清顆粒悉歸
在則此翻摘發裨益非淺鮮矣既各會題前
相應覆

請恭候

命下各該衙門遵奉施行

崇禎五年五月二十五日具題本月二十八日
奉

聖旨葉有光等侵損糧料按律追贓併張繼情罪宜
有定評還着同刑部確擬來看欽此

覆滇黔撥留楚餉完欠疏

題爲遵

旨查明具奏事專理新餉山東清吏司案呈崇禎五
年五月十六日奉本部送戶科抄出川貴總督
朱燮元題前事內開本年三月二十二日准戶
兵二部咨爲塘報事該本部題覆雲南巡撫蔡
侃塘報緣奉

聖旨報內事情知道了逆酋負隅著該撫飭勵兵將
熟籌制勝速圖殲剿其會黨助逆著設計剪遏以

絕賊援不得疎脩玩視黔督撥餉已有屢旨曾至
已到著行奏明兩部卽與傳飭欽此欽遵部限四
月中明白速奏等因移咨前來臣擬具奏間接
閱邸報該臣題爲酌請黔省五年新餉併議滇
省接濟等事奉

聖旨該部看議速覆據稱楚餉解黔尚未及半此項
額餉作何開銷并查明具奏欽此欽遵該臣查得
黔之仰給於楚十有餘年每年所請之數該省
各州縣自奉

有開徵後逐漸徵解未能一蹴而到且有京邊有遺
餉先解部而後及黔故往往遲至次年始可告
竣而每年奏銷俱在一年之後爲是故也查臣
所請四年新餉爲數二十七萬七千有零蒙部
覆

查起解自三月起至本年十二月終止解過實止
一十三萬一千七百一十兩零臣正月初四日
發疏之時尚未及半至初八日又解到三萬八
千兩以上通共解過餉銀十六萬九千七百一

十兩零查長沙府屬未解銀四萬五千九百四
十五兩一錢零衡州府屬未解銀四萬六千九
百零六兩六錢六分零永州府屬未解銀六千
八百三十五兩六錢九分零寶慶府屬未解銀
一千一百零九兩八分零辰州府屬未解銀二
千六百六十七兩九錢零常德府屬未解銀八
百五十二兩五錢六分零郴州屬未解銀一千
六百九十三兩八分零靖州屬未解銀一千八
百三十三兩八錢七分
以上崇禎四年未解楚

餉一十萬七千八百四十二兩零該臣看得滇
黔各稱一省誼切唇齒然大小肥瘠相去天淵
滇省撫按二臣既欲發兵討賊決宜籌筭緩急
預儲積糗最爾黔省只可謹守道路以供絡繹
卽云費用不敷亦宜請之

皇上非楚則蜀借有餘以補不足方可有濟乃不知
何故必欲索之貧黔忍枵腹之衆奪到口之糧
以乞貸之資爲轉濟之物此皆理之所無而勢
所不能應者也臣計口請餉原不敢濫計此三

萬餘人舊欠餉銀九個月經庫之內又清舊金
火烘狼吳兩江之役冒險沙危以效死力豈其
不當一飽乎查臣陸續奏處那供滇省已三萬
四千零七十四兩八錢零除開細數另冊報部
外在本省攤放不過十三萬五千六百二十五
兩零有支至去年六月止者有支至四年正月
止者咎咎之呼方無計以應滇省撫按二臣索
分一十八萬卽部議亦云分解十萬將以何物
應之臣衰老殘廢豈敢復顧七尺獨是人衆餒

久脫巾一散羣賊搖起未濟滇而先棄黔也此一片

皇上封疆其敢置之度外乎今滇省蒙

皇上留解部十萬臣又議分五年楚餉一十四萬六千有零似亦稍足支持若其不足則如部議撥發蜀餉最爲確論至於楚中長寶衛永辰常德靖八屬四年分未解銀一十萬七千八百有零之數未必盡無逋欠然此實黔兵續命之需萬不可缺今歲二月內臣以接濟不敷止留兵二

萬二千人汰去兵八千餘人皆團聚望給其不
大噪者以楚解可望也若到而再奪之實無詞
以謝衆口其景象有不忍言者矣等因本年五
月十五日奉

聖旨該部查議具覆欽此欽遵抄出到部送司相應
查覆案呈到部該臣等查看得滇自昔曾肆惡
集兵措餉繁費不貲而黔勢關唇齒誼在披纓
凡可移緩就急者自不得秦越視之也昨年六
月內臣部覆滇撫王伉夷情孔劇一疏除議留

該省四年加派襍項錢息等銀十萬三千兩有
零外再分楚省黔餉十萬以濟滇原供該省勦
賊之需非歲以爲例維時尚無十四萬之議也
迨五年二月中督臣朱燮元計周滇急有酌議
黔省五年新餉一疏議割解黔楚餉十四萬六
千餘兩與滇臣部卽于滇撫蔡侃道將潰師疏
內如議覆

准解充滇餉事平解部是又溢于初議十萬之數也
及二月終臣部又覆滇省鄉紳閃仲儼等逆會

因贖贖張一就復撥川省解部遼餉一萬兩除
給石柱援滇土兵行糧外餘銀仍解濟滇再撥
楚省五年分解部遼餉一萬四千兩前後共成
十七萬兩此外仍將滇省五年分正襍錢息等
銀十萬三千餘兩盡聽留用較之初議十萬不
啻加倍若復于五年十四萬之外索盈四年之
十萬則黔餉有限將安繼之今議前此陸續解
過滇省三萬四千七十餘兩筭作四年之數其
餘不得奢求至五年所撥十四萬六千有奇照

數督解濟滇亦必不容遽欠庶在滇在黔兩得其平而無相凌奪也乃若留黔楚餉督臣疏稱楚先解部而後及黔往往遲至次年告竣故四年分黔餉二十七萬七千有零自本年三月起至年終止僅解過十二萬一千七百餘兩續于五年正月內又解到三萬八千兩通共解過十六萬九千七百十兩零而督臣所爲那借滇鎮者卽在於是餘係長衡永寶辰常郴靖八府州屬各欠不等共未完銀十萬七千八百四十三

兩零欠數俱有着落先是

聖明詰問作何開銷是尚未經開銷者據稱黔兵墾
以續命自應責令解黔無容再計若其拖欠不
完仍聽督臣照例查叅者也既經督臣回

奏前來相應遵

旨查議覆

請恭候

命下臣部移咨該督并滇黔楚省各該撫按衙門遵

奉施行

崇禎五年五月二十七日具

題本月二十九日奉

聖旨依議

覆昌鎮侯督治收放錢糧并節存疏

題爲恭報節存錢糧數目事專理新餉山東清吏
司案呈崇禎五年五月十二日奉本部送戶科
抄出昌平督治兵部右侍郎侯恂題前事內開
自崇禎三年五月至五年四月終止共發到銀
二十一萬一千五百八十三兩八錢二分用過
銀一十九萬五千餘兩剩銀一萬六千餘兩是
爲正項積存見在司庫至于截扣馬匹小盪倒
損銀題明充補馬之用者已經支完截扣官丁

小盡事故銀題明免操賞之用者臣既不敢執
吝以失士心亦不敢妄費以靡公帑賞必當功
予不濫及除用過外尚存銀一千八百餘兩等
因本年五月初十日奉

聖旨該部知道欽此欽遵續准昌鎮督治侯恂咨同
前事造送錢糧支存數目文冊到部奉批新例
司查議題覆俱送到司查得昌鎮自崇禎三年
五月至五年四月共計部發銀二十一萬一千
五百八十三兩八錢二分與督治所報之數相

符除支給過廩餉馬乾公費工食銀一十九萬
五千一百五十九兩五錢七分八釐存剩銀一
萬六千四百二十四兩二錢四分二釐外節存
截扣官丁小盡事故銀一千八百九十六兩七
錢一分已經查明備照外所有剩存銀兩目前
昌鎮徵調正苦匱絀相應題文該鎮月餉及援
兵鹽菜案呈到部該臣等看得新餉額外之費
動至不貲一一俱取之額入立盡之數也故臣
等每望當事諸臣悉心節省勞怨罔避無以

朝廷之金帛博寬大而委泥沙以共託於同舟共濟
之誼今乃自昌鎮之督臣始夫督臣侯恂奉

遣練兵纔兩年所耳總計部發纔二十一萬耳而正
餉之省者一萬六千有餘截扣之省者一千八
百有餘以十分而得一分之餘若非督臣綜覈
必割薄節靡遺則此一萬八千金不足供一指
顧之費耳是所發非侈而所省已多誠深足嘉
也然既係新餉之餘應供新餉之用查昌鎮東
援并留鎮兵馬所需月餉月該四千餘兩今已

發至六月終矣前項貯存正可抵充該鎮月餉
及援兵鹽菜相應題明支銷以省部發者也既
經督臣具題并冊報前來相應題

請恭候

命下臣部移咨昌鎮督治并行該餉司將前項貯存
銀兩抵給月餉鹽菜銷筭施行

崇禎五年六月十三日具

題本月十六日奉

聖旨依議欽此

議覆招練管本色疏

題爲亟議招練本色兼

請查覈專官事專理新餉山東清吏司案呈崇禎五
年六月十三日奉本部送戶科抄出山永巡撫
楊嗣昌題前事內開該臣會同關寧監視臣馬
雲程看得招練一鎮原題兵二萬人馬一萬匹
撤東島以充其數則二萬兵歲食米十二萬石
一萬馬歲食豆十四萬四千石草一百五十萬
束皆頭會策舉不容缺少者後因登兵有變募

額難充不得已暫議兵足一萬馬足六千則
計米六萬石豆八萬六千四百石草九十萬
較前額已縮無容再縮者也今部議薊永等處
有可移米豆臣等不知其詳第指關門暫缺
兵以爲遂有餘米可那招練則該餉司計之甚
審兵有缺額米有掛欠失風難以升合盡集
數且關門見在募兵期滿缺額而止而東西
馬調發不啻需用行糧律令所謂卽時應付
數開申不在核支之限者也可一一預計之乎

是則六萬石米必須整整津運無靠零星不可
必得之贏餘而豆則除移運之外如有不敷可
以取之關門積存者草則除該餉司先運十萬
束及早發銀召買八十萬束不容緩也抑臣等
尤有說焉招練暫以一萬兵六千馬額

明旨煌煌猶未深許臣與鎮臣嘔心盡策設法招徠
苦於無措者乃此登賊猖亂之一時儻轉瞬之
間登賊破滅島人懷歸安知招練之衆不驟盈
於一萬之外彼時計口授餐恐六萬米猶存見

少當於預計來年額內預運一二萬石以濟
需况六萬之內豈可豫懸不足之憂乎計部特
籌甚難臣愚深悉其苦而天下事不審變局不
圖先著恐後來窘迫無從下手此臣不得不審
圖之也等因本年六月十二日戌時奉

聖旨該部速與議覆欽此欽遵抄出到部送司案查
本年三月該山永前任撫臣丘禾嘉題爲亟議
招練本色等事原定兵二萬名歲用米十二萬
石馬一萬匹歲用豆十四萬四千石草一百五

十萬束故本部覆議預計原派有薊米五萬石
豆十萬石今薊州既有截漕八萬石永平截漕
四萬石薊撫又議以漕米抵銀作料草召買則
全移米五萬石量移豆五萬石併津門存貯東
充餘豆一萬四千七百石俱移運關門爲招練
五年之用合諸關門新定經制兵減二千九百
餘名剩額派津運米一萬七千四百六石馬騾
減五千八百餘匹除議折八萬石外剩額派津
運豆四千餘石尚少米五萬餘石少豆七萬餘

石然該鎮兵馬向來缺額與前此損失迄今尚
未補完則一月自有一月之存貯矧目下招練
見兵僅七千三百餘名見馬僅三千三百餘匹
又不慮糧料之無出矣俟預計六年自可如數
派撥至于草束一百五十萬束秋初發價召買
等因奉

聖旨招練本色急需薊永等處米豆果否移用已足
草束俟秋初召買是否目下無誤還著移會該撫
同監視查議明白具奏欽此隨即咨行津部將原

備薊永五年召買米五萬石又豆十萬石內移
發五萬石并三年多收東兗二府餘剩豆一萬
四千七百石一併發運山海分卸前屯中前中
後三城以供招練營兵馬支用又咨會關門巡
撫監視遵照

明旨查議米豆果否移用已足草束俟秋初召買是
否目下無誤明白具奏去後昨五月內該津部
鄭宗周恭報津發頭運糧料數目疏內已將前
項改運招練營米五萬石豆六萬四千七百石

策入額運數內同關寧米豆分運次第併發合
之關門剩餘米豆與該撫所議米六萬豆八萬
之數米尚有餘豆差不足相應議覆案呈到部
該臣等看得招練之設原議兵二萬馬一萬
臣部照數議覆米則合改撥剩餘六萬七千四
百餘石尚少五萬餘石豆則合改撥剩餘六萬
八千七百餘石尚少七萬餘石此就招練初議
而長計之耳乃見兵見馬未滿二十萬一萬之數
則改撥減剩之米已自綽然有餘豆雖差少而

關門積貯頗多與夫缺馬扣省者亦可支持也
皆臣等左右持籌多方調劑原係著著應手非
指西江而懸畫餅者也今據該撫楊嗣昌疏而
覆覈之兵旣減定一萬馬旣減定六千盈額而
論米不過六萬足矣豆不過八萬足矣草不過
九十萬束足矣較原議之數已減省幾半雖云
兵有暫缺米有漂損難以盡筭成數而缺兵之
剩餘者無成數減兵之剩餘者有成數也是津
門改撥減剩之米六萬七千四百石豆六萬八

千七百石正繇津發運整數而乃視爲零星無
靠不可必得之虛數耶夫亦該撫計周桑土望
切雲霓或過爲此不必然之慮耳卽照該撫呼
額之數米尚多七千四百餘石豆止少九千餘
石稊蔬亦稱關門積貯可取則若米若豆俱無
煩再議臣部屢行津門刻期僨運招練米豆統
在津門三運之中對則俱到無煩過計矣草束
一節臣部原議秋初發價召買今疏稱除該餉
司先發十萬束外該發買八十萬束以每束三

分定價該銀二萬四千兩秋將屆期臣部陸續
措發該鎮酌量派買此其時也封疆之任危苦
獨至然該撫審其變臣部亦未敢泥於咎該撫
圖於先臣部亦未敢踈於後嗣後復有召募臣
部當於今年預計中於六萬石之外如該撫議
多派米一二萬石用備緩急以免臨時之周張
也既經具題前來相應查議具覆恭候

命下臣部移文津部關撫并行餉道餉司遵奉
崇禎五年六月十五日具

題本月十七日奉

聖旨據奏招練營米已贏餘豆取積貯知道了草束
陸續發銀派買務令士馬飽騰實資恢剿欽此

議覆招練營降夷贍糧疏

題爲懇給月米以活夷口事專理新餉山東清吏
司察呈奉本部送准山永巡撫楊嗣昌咨前事
內開據關內道兵備右叅議陳瑾呈稱本年四
月十四日蒙前院批據招練鎮中軍宋紀呈詳
夷丁家口食米緣繇蒙批查明遼東事例務有
酌款方可援比速速等因卑職遵卽查得遼東
西協營稽餉印冊內一欸夷丁家口陶損介等
二百三名口月支米二十六石一斗一升又查

得前屯城守營餉冊內一款降夷男婦幼小一百四十七家內食三斗一百四十六家四斗五升一家共食月米四十四石二斗五升卑職復向餉部衙門對查底冊西協營每名口一斗三升美城守營每名口三斗一合美此皆見在可援之的款也今哈今太等妻子七十五名口新集之衆貧若異嘗若照西協似覺太少若照城守亦覺太多或斟酌量給之可耳卑職竊惟本營兵餉經制見蒙題定恐難增入此項或干缺

額內暫行開支以資目前糊口或于小盡內集
出抵給均惟本院竊觀蒙批夷丁家口見有遊
例亦空體恤作何長計仰道酌妥報蒙此該本
道叅議陳瑾覆者得乞降之夷因其傾心內附
若無所資養終難藉其臂力第關外城守營與
西協營夷屬支有多寡不均前議二名分給一
朋是亦法之平而養之得者也若支領總附
招練營冊似覺便于查覈惟祈本院咨明庶免
將來查駁等因據此看得降夷挈妻孥而投爲

我非薄示恩惠養其家口則無以鼓勵其
心且彼居內地原不解治生之策所以關外
丁家口支米在在皆然但有多寡不同異耳
今招練新創收降不多據該道議每兩人共
給米一斛每名口得二斗半盡一以支甚得
適中之議相應照例請給用示投醪仍每月
附造于營冊更便稽核煩請查照覆酌允示
以便行令支給等因移咨到部奉批據議欲
給與丁家口之米似有舊例可行但經制初
定又增此項新餉

查議奉此相應酌議題

請案呈到部該臣等看得夷人挈妻子而傾心內附
我欲用之必有所以周之斯能聯其心而鼓其
義此關外夷丁所爲舊有給米贍家之例也今
招練營創收降夷哈今太等七十五名口業經
關內撫道酌定每兩名口共給米一斛人分二
斗五升月該米十八石七斗五升不豐不嗇爲
數無幾似應如議准給以示養育但經制初定
倏增此項恐啓紛更之漸又不得不從長酌處

者查戶兵二部合奏總經制疏原奉有這各鎮兵餉經制既合議妥確著永爲定額卽後有增減止許於額內通融不得溢濫之

旨通行遵守在案故招練中軍宋紀勅議亦見及此而謂或于小盡內笑出抵給正謂

新旨煌煌不可悖也臣等曲籌熟計與其額外造支誠不若於額中還官截扣米內支給仍附造該管月報冊尾以便銷筭以信

明旨斯餉額不浮經制不紊而降夷家口亦共感投

膠而亟圖啣報矣既經該撫咨請前來相應酌
議覆

請恭候

命下臣部移咨山海巡撫并行該鎮餉司遵奉施行
崇禎五年六月二十一日具

題本月二十三日奉

聖旨依議欽此

覆四川江油等二十州縣量減新派疏

題爲蜀中州縣災疫已極新派地畝萬難再加伏
乞

聖裁減免以恤吏民事專理新餉山東清吏司案呈
崇禎五年五月二十九日奉本部送戶科抄出
四川巡撫今革任候代張論題前事請免所屬
江油等二十州縣新加地畝三釐銀兩緣繇本
年五月二十七日奉

聖旨戶部知道欽此欽遵抄出到部送司相應酌議

具覆案呈到部該臣等看得蜀中素稱沃壤原額遼餉不多祇以向例辦辦易起觀望遂不免間有宿逋耳查自崇禎三年歸還臣部計舊派遼餉銀一十二萬一千三百四十餘兩業皆如額通完四年分舊派新加共該銀一十六萬一千七百九十餘兩除完解外未完一萬三百餘兩雖就中有係藩司那奏所屬州縣尚應解補司庫者然正當督催完解以振積弛倘因其善逋而槩與蠲減恐長才滋玩非所以爲訓也今

江油蒲江璧山雲陽太平平武彰明灌縣瀘州
合江江安雅州榮經蘆山長寧慶符高縣珙縣
興文筠連二十州縣果皆若秦晉淮揚之委實
· 灾疲兵荒者乎該撫張論以蠲減新增三釐爲
請亦以

聖諭內載有勢難加賦地方俱著該撫按據實奏明
請

肯定奪一欵故仰體

皇上恤民至意遵行查報以聽

聖裁耳今奉

旨下部臣等覆加詳覈茲二十州縣者固不敢盡謂
不災不疲亦不敢盡信爲極災極疲總計二十
州縣共該新增三釐銀六千六百九十七兩零
始與量免三分之一每畝各准減去一釐以應
該撫之請以普

皇上加惠元元之意庶餉額不至重困而疲邑必有
起色矣臣又思夫省直三釐之加萬非得已

皇上不知經幾番

慮慮臣部不知任幾許怨勞始有此數久已載之入
額中央乃在在蠲留處處減免殆無虛日是臣
部徒滋疊派之多口而薊遼鮮獲新加之實濟
興言及此臣心轉苦臣憂方大矣請乞

明旨申飭今後省直撫按諸臣非十分災疲萬難加
賦者勿復輕議請免俟東事底定之秋

皇上定下蠲租之詔普天海宇共厝息肩當不厯履
畝加賦之憂矣統祈

勅下臣部移咨川省并通行省直各該撫按衙門遵

奉施行

崇禎五年六月二十一日具

題本月二十四日奉

聖旨依議軍興餉急田賦量加萬非得已各撫按亦
互仰體時艱地方非實災疲不得輕請蠲減欽此

覆關外三四五年豆折未發未貯疏

題爲遵

旨明白自行回

奏事專理新餉山東清吏司案呈崇禎五年五月
二十二日奉本部送戶科抄出寧前道倉事陳
新甲奏前事回

奏津寧三四兩年收發預計米豆數目緣繇後開
三年分原派有折豆銀四萬六千九十七兩八
錢五分六釐四年分原派有折豆銀九萬二千

四百兩五年分原派有折豆銀八萬四千兩因
兵馬三年西援四年東援臣等構節愛養本色
料豆亦足餉馬其折色銀兩尚未敢領或在津
或在部臣不得知然三年有派而無收俟馬買
足額另行申領事干錢糧因回

奏而併及之等因本年五月二十一日奉

聖旨奏內津運米豆除實收及漂損燒欠外有未到
一項顯係侵冒作何清理曾否追補其豆折銀有
派無收有無存貯該部一併覆覈具奏欽此欽遵

抄出到部送司除未刻米豆該數餉部科情查
明白另疏彙覆外所有關外三四五年分預計
豆折一項相應另行查覆案呈到部該臣等查
得關外豆折一項原照缺額空馬而預計以待
需非按實在之數而數馬秣飼者也當預計時
臣部若不議定草料安能必空馬之不增若卽
派買本色又恐足額之不易故暫議以折色代
本色耳及查年來該鎮不惟缺馬之市補爲艱
抑亦見馬之虧損尤甚且也赴調赴援隨地關

度卽本色尚自裕如又必以所盈預計之可補
裁此該鎮所以以舉與債而臣部所以三年未
發也夫錢糧既有羨餘若千卽應存貯若干但
必入額不減出額不增然後省一分卽有一分
之見在耳乃三年內臣部止此入數而秦晉瀾
留滇黔割損歲不下百餘萬而入數漸縮臣部
屈指指出數則東西交訐行鹽項增歲亦不下百
餘萬而出數大溢若非通融補湊視緩急爲後
先項項而計其發計其扣又計其留則一膠柱

而立窮矣此項豆折實未能照所省發者而另有存貯也既經該道具

奏前來相應另疏具覆謹具本題

知

崇禎五年六月二十五日具

題本月二十九日奉

聖旨豆折既未解發卽當奏明何待奉旨稽查始以出數太濫通融補奏爲辭還著將未發應存實數開明來看欽此

議覆接濟島糧并慎重机宜疏

題爲海運時日有限鮮糧督發難專仰乞

乾斷明示畫一以便遵行事專理新餉山東清吏司
案呈崇禎五年六月二十六日未時奉本部送
戶科送出蒙

御前發下紅本該津部鄭宗周題前事內開案照崇
禎五年四月初一日准兵部咨爲塘報事該本
部題前事等因本年三月二十九日奉

聖旨據奏金聲桓堅意殺賊及各島衆不肯從叛忠

義可嘉著鄭宗周速撥津米千石運發廣鹿接濟
該部卽遣官傳示聲桓鼓勵攻勦併撫諭各島續
聽給運毋輕煽惑但有擒斬兇渠出奇著功者定
從優叙賞爾部速行頒示欽此又准兵部咨同前
事等因奉

聖旨報內情形知道了毛承祿向稱拒叛今報從逆
是何不俾通著確查續奏島兵需糧依議著該撫
照數速發仍差誠幹將領運交的當取實收彙報
周文郁所稟事情該部卽密行傳諭黃龍審機調

度務期張樹聲援協圖勦扼畧得少有疎悞欽此
俱經移咨到臣該臣遵奉

明旨隨行原任督餉道臣張志芳及軍需通判喬若
岐一次委運官胡遠運發米一千石一次委運
官韓玉立相運米九千石一次委運官張世英
押運米一萬石前赴各島相機交卸接濟去後
嗣于四月二十九日准津部咨爲催請亟發鮮
運腳價事內開准臣咨前事等因到部新餉司
議稱島中情形迄無確據漕米腳價正須鄭重

乃欲盡發六萬六千石之米及欲盡索二萬六千三百餘兩腳價之銀恐非本部所敢應也等因咨覆前來五月十七日又准兵部咨爲塘報事等因奉

聖旨黃龍輯島扼防勵銳拒賊准復原官著益殫力圖功以膺懋賞王良臣等俱依議給銜用示鼓勵其龔正祥領兵勦登還著詳審機宜張援協應坐收萬全島糧接濟著津撫陸續遣發不得疎悞欽此欽遵移咨到臣隨卽差官張奇文赴島宣諭

仍順帶糧米三千二百石星馳接濟外該臣看得本年鮮運額米六萬五千九百八石此一定之數也夏月風恬浪靜航海利涉至八月則颶濤洶湧必多覆沒此一定之時也除臣遵奉

明旨四次已發過二萬三千二百石但此一解運也在樞部以爲當接濟在計部以爲當鄭重鄭重者慮或島人之多詐而接濟者又冀得島民之懽心此皆老成長慮却顧爲

國深心臣自當遵行惟謹惟是人心叵測卽山川

亦莫喻險而欲保其始終如一則忖度難且海面遼濶風順則瞬息百里風逆則寸步莫移差官偵探往返必須數月迨偵回之後彼中情形又不知何似則偵報難臣屢奉

明旨陸續遣發接濟仰見

皇上於與釜與庾之中默寓一操一縱之意故今日一千明日數千日速撥接濟日運交的當日不得疎誤所稱

神謨睿略懷遠招携誠非臣下能窺萬一焉此時

秋節已至及今若不速運必致延誤則臣有不
速撥之罪島情日新月異智不及料登賊揚帆
猖獗勢誠可憂二者一有所虞則臣有運交未
的當之罪且非特此也運時已迫必今日幾千
明日幾千其勢決不能完以致島中借口則有
不接濟之罪若欲盡數運去而後事不可知必
且以臣爲驟發爲輕擲則又有接濟不陸續之
罪然則臣將何所適從乎伏乞

聖斷勅下戶兵二部酌議及今七八月內應否發運

若干九月停止明示畫一庶臣便於遵行而島民亦克有濟矣等因奉

聖旨該部酌議速奏欽此欽遵蒙送到部送司相應會同兵部酌覆案呈到部該臣等會同兵部尚書熊明遇等看得安撫島人以鼓向順斟酌島運以防叵測二者固自同揆在兵部以爲當接濟者豈島情茫無足憑而徒委之逝波乎在戶部以爲當鄭重者豈島情確有足據而故靳其投醪乎是接濟之中不廢鄭重鄭重之中不廢

接濟恭釋

明旨一則云陸續遣發一則云運交的當

聖謨睿美蚤已兼及之矣乃津撫交持于島情之順
逆與島糧之省費而不能決遂疑戶部鄭重之
說有以阻其接濟也臣請再從鄭重而暢言之
島糧以六萬六千定額固矣但此六萬六千之
額從島兵二萬三千終歲而定也今島人效順
者固多從逆者亦不少減從逆之食而果效順
之腹則又不必執前日之成額矣若有贏餘自

可留餉關寧此運數之所當鄭重者也運價以
二萬六千定額固矣但此二萬六千之額從交
卸皮島而定也今島徒足旅順去登海不過
數百里較之遠島風濤所省不貲而催船攬載
者多趨島而避關則似不必執前日之成額矣
空查明交卸地方酌議量減此運價之所當鄭
重者也長夏初秋航海利涉運之此其時固矣
但見在島兵不知的有幾何卽以萬人計月不
過食米四五千石今自四月起津門已運過二

萬三千二百石并前寧遠代運米三千石度
支五六月之用若一時頓發隨手立盡秋冬
間又復啼餓何以應之卽秋濤洶湧亦止重
前後數日餘尚可楊帆也似當每月且量發
千石與其惜時而置之浩費之地何如愛物而
厝之節省之場此運期之所當鄭重者也島
乏絕恐生異心運之不容緩固矣但島中諸
多非

欽依實職真偽難憑順逆難辨島根一到冒破尋

私記圖書冒出實收不得總鎮黃龍印信
終非確據臣部恐難據以開銷運到島糧
黃龍俵分毋謂運艘一至便可寬賫盜之虞
運交之所當鄭重者也凡此區區忖度較量
從接濟起見者若無所用其接濟則亦無所用
其鄭重矣向來島事料理聽之登撫今登撫
璉被圍萊城向兵部題明行令黃龍造冊徑
津撫運給至今定有冊至津要見實在島兵
千用餉若干其運到者積貯何處作何給散

爲犄角滅賊之計鎮臣黃龍建聞海外方期批
吭擣虛爲

中朝後勁而順逆衆寡之數寂不聞一
奏報豈島事有不可言者乎至于運弁往來亦必
洞見情形津撫有聞不妨明白入

告相機轉輸又非臣等敢從中制者耳伏乞

勅下津撫遵照

屢旨備行總鎮黃龍查議妥確蚤爲據實

奏報計兵計糧毋爲過侈計程計價毋容虛靡

得接濟之實著卽不失鄭重之長慮矣既經
撫具題前來相應會議覆

請恭候

命下臣部移咨該撫并各該衙門遵奉施行

崇禎五年六月二十九日具

題七月初一日奉

聖旨島兵効順糧運自當照例接濟今情形未見的
報額數亦難懸揣本內指陳諸款悉中機宜依議
著黃龍確查實情若何定額若干積貯給發併鼓

舞各兵協勦何狀
群朋速奏以便酌濟其運弁往
來有何聞見也著
鄭崇周據實陳奏欽此

覆薊撫題請贓罰還官二項借充繕器疏

題爲料價別無可措局工難以遽停乞留

欽案之贖鍰並予還官之剩餉暫充急用以裕軍需
事專理新餉山東清吏司案呈崇禎五年六月
二十一日奉本部送戶科抄出順天巡撫傅宗
龍題前事內稱臣頃兩疏上

請求得戶兵二部歲額撫賞銀半充馬價半充軍需
固日夜望該部之措發也今接部咨則一金不
發矣方部咨未到之前打造火器諸局按月而

請料價各營之應造綿盛甲者亦按數而請料
價緩之一日則悞一日之工臣不得已將庫貯
王應科李永福等完納

欽案贓罰銀權宜借給計自四月初三日起至今止
共批支四千一百五十一兩零而贓罰銀又盡
矣原擬待撫賞銀到抵還而今無可還矣備查
薊遵兩道屬未完贓罰尚有二千五百五十兩
有奇正在催比臣又查得薊庫有還官銀二千
五十八兩有奇乃監視內臣王之心查點各營

丁兵不到者扣美名糧共得此數內臣清釐之所積原以備軍中不時之需臣實賴之爲儉歲之穀矣伏乞

主上垂念薊門重地又當奴酋狂逞之時凡百繕完不容姑待卽將贓罰還官二項銀兩

俯從臣請俱准動支俟工竣一并列款

奏繳等因本年六月二十日奉

聖旨該部酌議具奏欽此欽遵抄出到部送司相應議覆案呈到部該臣等看得典衣典冠各有司

存如造火器製盛甲皆虞部事也料價之云自有額設今順天撫臣傳宗龍於借給庫貯贓罰銀四千一百五十餘兩之外又欲請留薊遵兩道屬未完贓罰二千五百五十兩并薊庫還官餉銀二千五十餘兩奏給打造之料價是深慮軍器之匱詘而不知錢糧有分款也夫贓罰一項係去年十二月初旬臣部據按臣甘學濶揭報題

准充餉不容別用者也其已借之四千臣等認切同

舟亦不敢固爲爭執准其借用可也其未完之
二千仍宐追解餉庫稍濟緩急以無失原題之
意誠不得一借再借以至于立盡也至還官一
項原係正餉之餘業經奉

旨另貯充餉目今餉苦匱乏所望刻意搜節以佐不
敷者惟此項爲最又安有餘力而爲舍已之耘
此萬萬不能勉從者也倘製造不敷該撫應另
行設處或請虞部本項錢糧自足以辦此甚無
謂臣部之掣肘也既經該撫具題前來相應覆

請恭候

命下臣部移咨該撫遵奉施行

崇禎五年六月三十日具

題七月初四日奉

聖旨依議欽此